

## PATXILLABORDAKO JUAN JOXE



- Zortzi urte igaro dira  
gure artetik joan zinenez geroztik.  
Zortzi urte luze eta labur,  
denbora ezin baita soilik  
erlojuaz eta egutegiaz neurtu,  
bihotza eta oroimena, nolabait ere,  
neurtzaile baititugu.
  
- Joan zinen  
gutxiago itxaro genuenean,  
Joan zinen  
biziak irripar  
egiten zizun tenorean.
  
- Patxillabordan zure hutsunea  
sumatzen dute,  
goizero, arratsaldero, gauero,  
momentu oroz...  
Eta baita guk ere,  
zurekin koadrilan ibilitakook.
  
- Joan zara gure artetik,  
apaltasunez, umiltasunez, lasaitasunez,  
gure artean bizi izan zinen bezala,  
horregatik gogoratzen zaitugu  
xamurtasunez eta maitasunez,  
zu gure artean beti izan baitzinen  
Patxillabordako Juan Joxe.

*JOSEBA*